

**CENTRALNA BANKA  
BOSNE I HERCEGOVINE**  
Broj: 150-15-4-1032-6/19 SAK  
Sarajevo, 25.03.2019. godine

Na osnovu člana 70. stav (1), (3) i (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (3), člana 43. stav (1) i člana 45. stav (1) Pravilnika o javnim nabavkama, broj: UV-122-01-1-11/18 RJ od 30. januara 2018. godine guverner Centralne banke Bosne i Hercegovine, donosi

### **O D L U K U**

**o izboru najpovoljnijeg ponuđača u postupku javne nabavke usluga obezbjeđenja avio karata za potrebe Centralne banke Bosne i Hercegovine**

#### **Član 1.**

Centralna banka Bosne i Hercegovine (u daljem tekstu: Centralna banka) dodjeljuje ugovor za nabavku usluga obezbjeđenja avio karata za potrebe Centralne banke Bosne i Hercegovine, ponuđaču **Gaudi d.o.o., Sarajevo** na period od 1 (jedne) godine, a u svemu prema Konačnoj ponudi, broj: 3/19 od 25. marta 2019. godine.

#### **Član 2.**

(1) Konačna ponuda ponuđača iz člana 1. ove odluke iznosi:

**4.500,00 KM bez uračunatog PDV-a**

(slovima: četirihiljadepetstotina konvertibilnih maraka i 00/100),

odnosno

**5.265,00 KM sa uračunatim PDV-om**

(slovima: pethiljadadvijestotinešezdesetpet konvertibilnih maraka i 00/100).

(2) Iznos iz stava (1) ovog člana odnosi se na uslugu rezervacije avio karata (proviziju dobavljača), a ukupna vrijednost okvirnog sporazuma za period od 1 (jedne) godine može iznositi maksimalno do **98.000,00 KM bez PDV-a** (slovima: devedesetosamhiljada konvertibilnih maraka i 00/100), odnosno **114.660,00 KM sa uračunatim PDV-om** (slovima: stotinučetnaesthiljadašeststotinašezdeset konvertibilnih maraka i 00/100).

#### **Član 3.**

Centralna banka će, po sticanju uslova za zaključenje ugovora u skladu sa Zakonom o javnim nabavkama, s izabranim ponuđačem iz člana 1. ove odluke zaključiti okvirni sporazum za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine.

#### **Član 4.**

Centralna banka će o rezultatima provedenog postupka javne nabavke obavijestiti ponuđača.

#### **Član 5.**

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za zajedničke poslove Centralnog ureda Centralne banke Bosne i

Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

#### Član 6.

Ova odluka će se objaviti na web stranici Centralne banke [www.cbbh.ba](http://www.cbbh.ba), istovremeno sa upućivanjem obavještenja ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

#### O b r a z l o ž e n j e

Postupak javne nabavke usluga obezbjeđenja avio karata, putem pregovaračkog postupka bez objave obavještenja o nabavci, pokrenut je Odlukom, broj: 150-15-4-1032-2/19 SR od 20. marta 2019. godine. U skladu s tim, Centralna banka je uputila poziv za učešće u postupku nabavke, ponuđačima Gaudi d.o.o., Sarajevo i Travel office d.o.o. Banja Luka, te objavila namjeru provođenja postupka na svojoj web stranici dana 21. marta 2019. godine.

U predviđenom krajnjem roku za dostavljanje ponuda pristigla je jedna ponuda, ponuđača Gaudi d.o.o., Sarajevo.

Nakon pregleda i provjere kvalificiranosti ponuđača i početne ponude, Komisija nadležna za vođenje postupka (u daljnjem tekstu: Komisija) je isti dan, 25. marta 2019. godine sa početkom u 11:30 sati, u prostorijama Centralne banke, održala pregovore sa ovlaštenim predstavnikom ponuđača. Nakon završetka pregovora, ponuđač je dostavio konačnu ponudu.

Komisija je, nakon završenih pregovora i izvršenog pregleda i ocjene dostavljene dokumentacije, svojim Zapisnikom o pregledu i ocjeni ponuda, broj: 149-15-4-1067-6/19 i Izvještajem o radu sa Preporukom broj: 149-15-4-1067-7/19, oba od 25. marta 2019. godine, dala preporuku kao u dispozitivu.

#### **Pouka o pravnom lijeku:**

Protiv ove odluke može se uložiti žalba u pisanoj formi, Centralnoj banci, u roku od 10 dana od dana prijema odluke o izboru najpovoljnijeg ponuđača.



#### Dostaviti:

- Uredu guvernera
- Viceguvernerima
- Uredu glavnog internog revizora
- Odjeljenje za zajedničke poslove
- Odjeljenju za računovodstvo i finansije (original)
- Odjeljenju za javne nabavke (original)